

UNIVERSITI MALAYSIA SARAWAK

Kenyataan Akhbar
Press Release

593 bergelar graduan di Sidang Ketiga pada Konvokesyen ke-26 Universiti Malaysia Sarawak (UNIMAS)

Kota Samarahan, 1 November 2022: Konvokesyen Universiti Malaysia Sarawak (UNIMAS) Ke-26 menyaksikan seramai 3,972 orang graduan akan memperolehi ijazah masing-masing dalam pelbagai peringkat pengajian dari Ijazah Doktor Falsafah, Ijazah Sarjana dan Ijazah Sarjana Muda. Konvokesyen ini akan bermula selama 4 hari, bermula pada 31 Oktober 2022 (Isnin) sehingga 3 November 2022 (Khamis) yang akan melibatkan 7 sidang.


Pengisytiharan Konvokesyen ke-26 ini disempurnakan oleh Tuan Yang Terutama Yang di-Pertua Negeri Sarawak, Tun Pehin Sri (Dr) Haji Abdul Taib bin Mahmud merangkap Canselor Universiti Malaysia Sarawak pada sidang pertama yang berlangsung semalam.

Pada sidang ketiga hari ini yang berlangsung sebelah petang akan melibatkan istiadat pengurniaan yang melibatkan 593 orang graduan, iaitu sebanyak 402 orang graduan dari Fakulti Sains & Teknologi Sumber (FSTS), 136 orang graduan dari Fakulti Bahasa & Komunikasi (FBK) dan 55 orang graduan dari Fakulti Alam Bina (FAB).

Konvokesyen UNIMAS ke-26 ini juga akan memberikan penyampaian anugerah-anugerah akademik seperti Anugerah Pelajaran DiRaja, Anugerah Canselor dan Anugerah Pro Canselor kepada graduan yang terpilih menerusi kecemerlangan mereka dalam akademik dan kokurikulum sepanjang pengajian di universiti ini. Anugerah ini akan diberikan kepada graduan di peringkat Sarjana Muda.

Bahkan, konvokesyen kali ini turut meraikan 35 graduan kohot pertama Ijazah Sarjana Muda Program Perubatan, Fakulti Perubatan dan Sains Kesihatan, yang mendapat tajaan biasiswa penuh daripada Kerajaan Negeri Sarawak melalui Yayasan Sarawak.

Dalam sidang ketiga hari ini telah dirasmikan oleh Naib Canselor UNIMAS, Ybhg Prof Datuk Dr Mohamad Kadim bin Suaidi dengan kehadiran Pengerusi Lembaga Pengarah Universiti, Ybhg Tan Sri Datuk Seri Panglima Sulong bin Matjeraie dan ahli-ahli Lembaga Pengarah Universiti yang lain.



1 November 2022

Bahagian Canselori
Universiti Malaysia
Sarawak
94300 Kota Samarahan
Tel +60 82 581216
Fax +60 82 665088
Email:
azadnurlisa@unimas.my

U N I M A S